

CONVENIO DE COLABORACIÓN ENTRE A XUNTA DE GALICIA A TRAVÉS DA CONSELLERÍA DA PRESIDENCIA E ADMINISTRACIÓN PÚBLICA, A CONSELLERÍA DE EDUCACIÓN E ORDENACIÓN UNIVERSITARIA, A CONSELLERÍA DE CULTURA, COMUNICACIÓN SOCIAL E TURISMO, A SOCIEDADE ANÓNIMA DE XESTIÓN CENTRO DE SUPERCOMPUTACIÓN DE GALICIA E AS TRES UNIVERSIDADES DE GALICIA PARA A CREACIÓN DO CONSORCIO DE BIBLIOTECAS UNIVERSITARIAS DE GALICIA

Santiago de Compostela, 18 de outubro 2001

REUNIDOS

O Excmo. Sr. D. Jaime Pita Varela, Conselleiro de Presidencia e Administración Pública, en virtude das facultades que lle confiren os artigos 38, 43.3 e 44 da lei 11/1988, do 20 de outubro, de reforma da lei 1/1983, do 22 de febreiro, reguladora da Xunta e do seu Presidente.

O Excmo. Sr. D. Celso Currás Fernández, Conselleiro de Educación e Ordenación Universitaria, en virtude das facultades que lle confiren os artigos 38, 43.3 e 44 da lei 11/1988, do 20 de outubro, de reforma da lei 1/1983, do 22 de febreiro, reguladora da Xunta e do seu Presidente.

O Excmo. Sr. D. Jesús Pérez Varela, Conselleiro de Cultura, Comunicación Social e Turismo, en virtude das facultades que lle confiren os artigos 38, 43.3 e 44 da lei 11/1988, do 20 de outubro, de reforma da lei 1/1983, do 22 de febreiro, reguladora da Xunta e do seu Presidente.

O Ilmo. Sr. D. Miguel Angel Ríos Fernández, Secretario Xeral de Investigación e Desenvolvemento, como Presidente do Consello de Administración da S.A.X. Centro de Supercomputación de Galicia en virtude das facultades delegadas conferidas na reunión do seu Consello de Administración celebrada o 23 de marzo de 1998.

O Excmo. Sr. D. Darío Villanueva Prieto, Rector Magnífico da Universidade de Santiago de Compostela, en virtude da competencia atribuída no artigo 78 dos Estatutos da Universidade de Santiago de Compostela.

O Excmo. Sr. D. José Luis Meilán Gil, Rector Magnífico da Universidade da Coruña, en virtude da competencia atribuída no artigo 65 dos Estatutos da Universidade da Coruña.

O Excmo. Sr. D. Domingo Docampo Amoedo, Rector Magnífico da Universidade de Vigo, en virtude da competencia atribuída no artigo 97 dos Estatutos da Universidade de Vigo.

EXPOÑEN

- 1.- Que con data 4 de decembro de 1998, a Xunta de Galicia e as Universidades de Santiago de Compostela, A Coruña e Vigo, asinaron un Protocolo de intencións para o desenvolvemento da Rede de Bibliotecas de Galicia.
- 2.- Que a Consellería de Educación e Ordenación Universitaria é o órgano da Administración Autonómica á que lle corresponden as competencias e funcións en materia de coordinación e planificación do Sistema Universitario de Galicia.
- 3.- Que a Consellería de Cultura, Comunicación Social e Turismo, é o órgano da Administración Autonómica competente en materia de bibliotecas, polo que lle corresponde o desenvolvemento de recursos integrados nas redes de telecomunicacións da Xunta de Galicia para dar resposta ás necesidades existentes nesta materia.
- 4.- Que a Secretaría Xeral de Investigación e Desenvolvemento, ten atribuídas entre outras funcións, a ordenación, planificación e execución de competencias en materia de fomento da investigación e a elaboración da proposta, e se é o caso, execución de plans específicos de apoio para o acceso á información do persoal investigador.
- 5.- Que as tres Universidades de Galicia teñen, entre os seus obxectivos, proporcionar o mellor servicio bibliotecario ás respectivas comunidades universitarias.
- 6.- Que a S.A.X. Centro de Supercomputación de Galicia constitúese como un elemento fundamental no apoio ó desenvolvemento tecnolóxico da investigación en Galicia, dando soporte ó servicio compartido de publicacións electrónicas do Sistema Universitario de Galicia.

É por iso que as partes asinantes acordan subscribi-lo presente Convenio de Colaboración, conforme ás seguintes

CLÁUSULAS

Primeira.- A Xunta de Galicia, a través da Consellería de Educación e Ordenación Universitaria, a Consellería de Cultura, Comunicación Social e Turismo, a Secretaría Xeral de Investigación e Desenvolvemento, a S.A.X. Centro de Supercomputación de Galicia e as Universidades de Santiago de Compostela, A Coruña e Vigo, todas elas gozando de autonomía neste campo, participan de común acordo e voluntariamente para crear conxuntamente o Consorcio de Bibliotecas Universitarias de Galicia, dotándoo cos recursos económicos necesarios.

Segunda.- O Consorcio de Bibliotecas Universitarias de Galicia nace coa vontade de servicio á sociedade, con personalidade e coa independencia necesaria para poder desenvolve-los seus obxectivos co máximo rigor e con pleno respecto á autonomía universitaria.

Terceira.- O Consorcio de Bibliotecas Universitarias de Galicia terá como obxectivo fundamental a mellora continua da calidade dos servizos bibliotecarios a través da cooperación interbibliotecaria.

Cuarta.- Créase o Consorcio de Bibliotecas Universitarias de Galicia e apróbanse os seus Estatutos, que se acompañan no Anexo a este convenio.

Quinta.- A Xunta de Galicia e as Universidades do Sistema Universitario de Galicia contribuirán anualmente, a partir do ano 2002, ó financiamento do Consorcio de Bibliotecas Universitarias de Galicia, con cargo os seus orzamentos de gasto, cun importe mínimo de 305.950.000.-ptas. (1.838.796,53 euros) dos que 29.150.000.-ptas. (175.195,03 euros) se destinarán a financiar gastos correntes do Consorcio e 276.800.000.-ptas. (1.663.601,50 euros) a investimentos. A este fin cada socio realizará en cada exercicio orzamentario, as contribucións que de seguido se indican con cargo as aplicacións orzamentarias que se sinalan:

ENTIDADE	APORTACION A GASTOS CORRENTES	APORTACION A INVESTIMENTOS
Xunta de Galicia-Cons. Educación e O.U.	7.579.000.-ptas. 07.05.322C.440.4	35.292.000.-ptas. 07.05.322C.741.0
Xunta de Galicia-Cons. Cultura e C.Social	11.368.500.-ptas. 10.04.432A.440.0	0
Xunta de Galicia-S. Xeral I+D	0	199.988.000.-ptas. 04.07.432A.740.0
Universidades (UDC, USC e UVI)	10.202.500.-ptas*	41.520.000.-ptas.*

*: cada universidade aportará a terceira parte

Así mesmo e para o presente exercicio a Secretaría Xeral de Investigación e Desenvolvemento aportará para investimento un total de 60.000.000.- ptas con cargo á aplicación orzamentaria 04.07.432A.740.0 co fin de garanti-los servizos das publicacións actualmente dispoñibles.

Sexta.- Créase unha Comisión de seguimento e interpretación deste convenio. As súas funcións serán as de seguimento, resolución dos problemas derivados da súa execución, propostas de mellora do mesmo e resolución de conflitos que poidan xurdir. A súa composición será a seguinte:

- Pola Consellería de Educación e Ordenación Universitaria, o Director Xeral de Universidades, ou a persoa en quen delegue.
- Pola Consellería de Cultura, Comunicación Social e Turismo, a Directora Xeral de Comunicación Social ou a persoa en quen delegue.
- Pola Secretaría Xeral de Investigación e Desenvolvemento, o Secretario Xeral ou a persoa en quen delegue.
- Pola Universidade de Santiago de Compostela, o Rector ou a persoa en quen delegue.
- Pola S.A.X. Centro de Supercomputación de Galicia o Director do CESGA ou persoa en quen delegue.
- Pola Universidade da Coruña, o Rector ou a persoa en quen delegue.
- Pola Universidade de Vigo, o Rector ou a persoa en quen delegue.

Sétima.- O presente Convenio terá vixencia durante cinco anos e considerarase prorrogado automaticamente por períodos similares salvo que sexa denunciado por algunha das partes cunha antelación mínima de 2 meses antes da súa finalización. Serán causas de resolución do convenio a non realización da finalidade do mesmo, así como calquera outro incumprimento dalgunha das cláusulas establecidas. Neste suposto, e despois da reunión da Comisión de seguimento, poderá darse por resolto por calquera das partes o convenio, procedendo de se-lo caso, á devolución das achegas realizadas con destino específico se a súa finalidade non foi cumprida.

En proba de conformidade e obrigándose o seu cumprimento, asinan o presente documento no lugar e data indicados.

Pola Universidade da Coruña

O RECTOR,

Pola Universidade de
Santiago de Compostela

O RECTOR,

Pola Universidade de Vigo

O RECTOR,

Asdo: José Luis Meilán Gil

Asdo: Darío Villanueva Prieto

Asdo: Domingo Docampo Amoedo

Pola Consellería da Presidencia
da Presidencia e Admón.
Pública
CONSELLEIRO

Pola Consellería de Educación e
Ordenación Universitaria
O CONSELLEIRO,

Pola Consellería de Cultura,
Comunicación Social e Turismo
O CONSELLEIRO,

Asdo.: Jaime Pita Varela

Asdo: Celso Currás Fernández

Asdo: Jesús Pérez Varela

Pola S.A.X. Centro de
Supercomputación de Galicia
O PRESIDENTE

Asdo: Miguel A. Ríos Fernández

MEMORIA

O convenio suscríbese en virtude das competencias que se lles atribúen ó conselleiro da Presidencia e Administración Pública, o conselleiro de Educación e Ordenación Universitaria e o Conselleiro de Cultura, Comunicación Social e Turismo nos artigos 38, 43.3 e 44 da Lei 11/1988, do 20 de outubro, de reforma da Lei 11/1983, do 22 de febreiro, reguladora da Xunta e do seu Presidente, as competencias que lle foron delegadas o Presidente da Sociedad Anónima de Xestión Centro de Supercomputación de Galicia (CESGA) na reunión do seu Consello de Administración celebrado o 23 de marzo de 1998 e as competencias dos Rectores das Universidades de A Coruña, Santiago de Compostela e Vigo, en virtude das facultades que lles confire o artigo 18.1 da Lei Orgánica 11/1983, do 25 de agosto, de Reforma Universitaria.

O convenio ten como finalidade a creación e posta en marcha do Consorcio de Bibliotecas Universitarias de Galicia co obxectivo fundamental de mellora-la calidade dos servicios bibliotecarios das universidades do Sistema Universitario de Galicia a través da cooperación interbibliotecaria.

O Secretario Xeral de Investigación e Desenvolvemento

Asdo.: Miguel A. Ríos Fernández